



MINISTRIA E DREJTËSISË

Nr. 471/2 Prot.

Datë, më 26.03.2024

REPUBLIKA E SHQIPËRISË
DHOMA KOMBËTARE E PËRMBARUESVE GJYQËSORË PRIVATË

Nr. 1189 Prot.

Tiranë, më 11.3.2024

Lënda: Përcillet për përsëritje njoftimi për shtyrjen e afatit të aplikimit për "Thirrje për shprehje interesi për hyrjen në provimin e pranimit në trajnimin fillestar".

Drejtuar: **MINISTRISË SË DREJTËSISË**
Z. Ulsi MANJA, Ministër

I nderuar z. Ministër,

Pas administrimit të urdhrin tuaj me nr. 702, datë 18.12.2023 të ministrit të Drejtësisë "Për përcaktimin e numrit të vendeve vakante për kandidatët përmbaues që do të pranohen në Programin e Trajnimit Fillestar pranë Qendrës Kombëtare të Trajnimit të Përmbauesve për vitin 2023", Këshilli Drejtues i Dhomës Kombëtare të Përmbauesve Gjyqësorë Privatë, në mbledhjen e datës 6.3.2024, ka miratuar përsëritjen e njoftimit dhe shtyrjen e afatit të aplikimit për "Thirrje për shprehje interesi për hyrjen në provimin e pranimit në trajnimin fillestar".


Për sa më sipër, por edhe në respektim të procedurës dhe kërkesave të përcaktuara në urdhrin tuaj me nr. 364, datë 31.5.2021, "Për miratimin e "Programit të detyrueshëm për trajnimin fillestar", lutemi marrjen menjëherë të masave nga ana juaj për:

Publikimin në faqen zyrtare të Ministrisë së Drejtësisë, përsëritjen e njoftimit për shtyrje të afatit të aplikimit të "Thirrjes për shprehje interesi për hyrjen në provimin e pranimit në trajnimin fillestar" si dhe të vendimit të datës 6.3.2024 të Këshillit Drejtues, bashkëlidhur.

Duke ju falënderuar për bashkëpunimin,

KRYETARI I DHOMËS

TEDI MALAVECI



Adresa: rruga "Nikolla Jorga", ndërtesa 9, kati II, Tiranë, mobile: +355676089890, e-mail: kontakt@nchb.al, web: www.nchb.al



REPUBLIKA E SHQIPËRISË
DHOMA KOMBËTARE E PËRMBARUESVE GJYQËSORË PRIVATË

THIRRJE PËR SHPREHJE INTERESI
PËR HYRJEN NË PROVIMIN E PRANIMIT NË TRAJNIMIN FILLESTAR

Në përputhje me ligjin nr. 26/2019 "Për shërbimin përmbarrimor gjyqësor privat" dhe pas administrimit të urdhrimit nr. 702, datë 18.12.2023 të ministrit të Drejtësisë "Për përcaktimin e numrit të vendeve vakante për kandidat përmbarrues që do të pranohen në Programin e Trajnimit Fillestar pranë Qendrës Kombëtare të Trajnimit të Përmbarruesve për vitin 2023", Dhoma Kombëtare e Përmbarruesve Gjyqësorë Privatë, publikon Thirrjen për Shprehje Interesi për hyrjen në provimin e pranimit në trajnimin fillestar.

Numri i vendeve për kandidat përmbarrues që do të pranohen në Programin e Trajnimit Fillestar pranë Qendrës Kombëtare të Trajnimit të Përmbarruesve për vitin 2023 është 20 kandidatë.

Kanë të drejtë të marrin pjesë në provimin e pranimit në trajnimin fillestar kandidatët që plotësojnë kushtet si më poshtë, referuar nenit 18, pika 3 të ligjit nr. 26/2019 "Për shërbimin përmbarrimor gjyqësor privat":

- 1) të jetë shtetas shqiptar;
- 2) të ketë zotësi të plotë juridike për të vepruar;
- 3) të ketë përfunduar programin e ciklit të dytë të studimeve universitare për drejtësi brenda vendit, ose diplomë të njësuar me të, apo të ketë përfunduar studimet universitare për drejtësi jashtë vendit, të njohur dhe njësuar, sipas legjislacionit në fuqi për arsimin e lartë në Republikën e Shqipërisë;
- 4) të mos jetë dënuar me vendim gjyqësor të formës së prerë:
 - i) për një vepër penale të kryer me dashje, për të cilën nuk është rehabilituar;
 - ii) për një vepër penale të kryer me pakujdesi, për të cilën nuk është rehabilituar dhe që cenon figurën dhe integritetin e profesionit të përmbarruesit gjyqësor privat;
 - iii) për një vepër penale të kryer me dashje, për të cilën është rehabilituar, kur vepra penale cenon figurën dhe integritetin e profesionit të përmbarruesit gjyqësor privat;
- 5) të mos jetë shkarkuar nga ushtrimi i detyrës ose funksionit publik, me vendim të organit kompetent, që ka marrë formë të prerë.

Kandidati që kalon me sukses provimin e pranimit, duke u shpallur fitues për të ndjekur programin e trajnimit fillestar, pranohet për të ndjekur programin e detyrueshëm 1-vjeçar për trajnimin fillestar pranë Qendrës së Trajnimit, përkundrejt pagimit të tarifës së pranimit 300 000 lekë.

Shprehja e interesit duhet të depozitohet brenda datës **15.4.2024** në **rrugë postare**, në adresën e selisë së Dhomës Kombëtare, rruga "Nikolla Jorga", ndërtesa 9, kati II, Tiranë", shoqëruar me dokumentacionin si vijon:

- 1) Kërkesë për shprehje interesi, me arsyet përkatëse që mbështesin pjesëmarrjen në këtë provim;
- 2) Jetëshkrim;
- 3) Kopje e kartës së identitetit;
- 4) Kopje e njësuar e diplomës që vërteton përfundimin e programit të ciklit të dytë të studimeve universitare për drejtësi brenda vendit, ose të diplomës së njësuar me të, apo të diplomës që vërteton përfundimin e studimeve universitare për drejtësi jashtë vendit, të njohur dhe njësuar, sipas legjislacionit në fuqi për arsimin e lartë në Republikën e Shqipërisë;
- 5) Certifikatë e gjendjes gjyqësore e muajit në të cilin bëhet aplikimi;
- 6) Kopje e njësuar e librezës së punës dhe vërtetimeve të Institutit të Sigurimeve Shoqërore, që vërtetojnë vjetërsinë në punë;
- 7) Vërtetim nga punëdhënësit që nuk janë shkarkuar nga ushtrimi i detyrës ose funksionit publik, me vendim të organit kompetent që ka marrë formë të prerë.
- 8) Mandatpagesën për aplikimin dhe dorëzimin e dokumentacionit, 10 000 lekë si tarifë aplikimi që do të paguhet në llogarinë bankare:

Emri i institucionit: Qendra Kombëtare e Trajnimit të Përmbauesve

Emri i bankës: Intesa Sanpaolo Bankë

Nr. i llogarisë: 1060 5318 02

IBAN: AL 8020 8110 0800 0000 1060 5318 02

Përshkrimi: Pagesë për aplikim dhe dorëzim dokumentacioni të (Emër, Mbiemër).

Kandidatët që përmbushin kushtet për t'u pranuar në provim, do të njoftohen përmes publikimit të listës emërore në faqen zyrtare të Dhomës Kombëtare të Përmbauesve Gjyqësorë Privatë dhe të Ministrisë së Drejtësisë, brenda 10 ditëve nga mbyllja e afatit të aplikimit.

Provimi i pranimit në formimin fillestar do të zhvillohet në datën **3.5.2024**, ora **10:00**, pranë selisë së Dhomës Kombëtare të Përmbauesve Gjyqësorë Privatë ose në një ambient tjetër të caktuar dhe njoftuar prej saj, në varësi të numrit të kandidatëve, aplikantë që do të marrin pjesë në provim. Listat emërore të kandidatëve do të afishohen ditën e provimit pranë ambienteve të zhvillimit të provimit.

Rregullat e detajuara për zhvillimin e provimit të pranimit, për kontrollin e njohurive dhe fusha e testimi, janë sipas përcaktimeve të urdhrin nr. 364, datë 31.5.2021 të ministrit të Drejtësisë "Për miratimin e "Programit të detyrueshëm për trajnimin fillestar", publikuar edhe në "Fletoren zyrtare".

Kjo thirrje shpallet në Buletinin e Njoftimeve Zyrtare, në faqen zyrtare të Dhomës Kombëtare të Përmbauesve Gjyqësorë Privatë dhe të Ministrisë së Drejtësisë, sipas përcaktimeve ligjore.